

Alia la fille galeuse

Afobú naáru wɔɔjɔɔná, bika igée lóna-dúv, afobú umú wɔɔjɔɔ né, wónđúu lóna ge. lɔɔɔ ge wíre waana alú. Waana alú weení si ukpóɔ yi né, bánjyáá alú umú
sisi : Alíya. Alíya umú dɔdɔ wɔɔgóni si isáa lóna-dúv né, sisi : lóna-dúv ge mɔ́zɔɔléé, ngú wánnyaadí kizáwu. Nge lóna-dúv sisi : aasɔɔ, kuna, mɔ́ɔ mánwaazí ki, mɔ́ɔ mánwaazí nya. Nge toovonúm, lóna-dúv wɔɔgbɔɔ alééré beđée fɔ́ lɔ́wúre-daá bɔjɔɔ beriké, nge waaváazi Alíya-dée kizáwu kum kúrɔ́na mám-mám-mám-mám idu jɔɔ-daá ukpóɔ isúsi nimíni-dɔ. Nge Alíya waalá kazɔɔ, nge bɔɔgbɔɔ bakábisi téédɔ-daá. Alíya wánmám laáltwá dɔ́ ge, afáa, a afobíya woogúti bana yi, boogúti bánjulí, sisi : kéyi. ceení dɔ́ wɔɔgbɔɔ ná alú kazɔɔ níni ceení dɔ́? Na Alíya itó sisi : aa, tɔɔ, ilé waawaazíná ma né ní. Bɔjɔɔ né, afobíya waazúv Alíya cináa, bika bánjyáadi yi. A wíre wendé Alíya waalú téédɔ-daá né, bilé ge afobíya wánjunáa yi, aayí, nína ge Alíya waagána weení woogúti ikíli lóna-dúv né. Wíre né, lóna-dúv sisi : tɔɔ, méndéé fɔ́, nge ilé waalú idéé. Wɔɔgóni ikálíná fɔ́ itála né, Alíya wángbírɔ́ adíku, fééwúú, ise, ibó ikazúv afobú. Nge Alíya waalú lóna-dúv sisi : Oáoo, le ge medéelú weedéé, le ge Alíya waabá idéé, óoo, aayí, jejejeje! Nge waazúv ikézélí jɔɔ ikábáa, iselí lóna ikádíni. Pém, nge waagágúrú tɔ́e wánjyáadi Alíya, káma idabá utlí lénlé weedéé né. Waadála kɔ́lɔ́waali cé né, nge weegbedí utulú unɔ́-daá:

Alíya kizáwu-dúv

Ngízi ma na ngázaa lé

Đóđó káwáránđɔɔɔ

Ngízi ma na ngázaa lé

Đóđó káwáránđɔɔɔ

Wónđúu lóna bika wéndéedi yéni wánjyáadi idéelú, woobó itála wúro-dée né, sisi : tɔɔ, medéelú ge mánjyáadi, nge belé sisi : aayí, idɔ́kóni cé. Nge sisi : óoo. Waagurú Kɔ́lɔ́waali né, waadála Alíbi, sisi : idobó nína, waadála Camanáa, sisi : idobó nína, wɔɔgbɔɔ níbáawu, waadála Kúlúm, sisi : idobó nína. Waajuná kusúntú né ge sisi : tɔɔ, mándarabaazí cé, báa bulá ñníní tɔ́e Kusúntu cé, asée ilé tɔ́e Kanbólí wúro-dée nbulé, wánjyúná yi. Aayí, nge wɔɔdɔ́kpówú:

Chant

Nge waazúv Kusúntú wúro-dée sisi : medéelú ge mánjyáadi ge mɔ́ɔgóni cé, nge ilé sisi : aayí. idɔ́kóni cé, amá nyábá nyédée lóna kana, nyánbá ndóo dédée cé ge bíndasí né, nlá d́aa amuvzé bíndasí nuvoowú. Nge sisi : óoo, kúɔ́nɔ́ asée mánjyáadi, méndéé dɔ́ né, méndéé háli Kanbólí, mobó megébeɛɛ a medéelú we nína, naaní na magáva izá na mɔ́góni modóo cé. Nge wúro sisi : tɔɔ, bulá kazɔɔ. Afáa, nge abaalú waagurú, waaján itála Kanbólí wúro-dée wɔɔɔ-daá ñjúnáa dɔ́ né, nge waadulú lóna itáli:

Chant

Waazúv dǎána-daá ɪbóózi né ge sɪsɪ : ún, ɪwe cé. Alíya waanú ɪwaalú lóna-dúv-déé yéndi, amá ɪdakálu, ngú ɪwe wúro-déé bulé né, ɪdasáa, ɪbá ɪwe ɪna ge ɪjooó. Nna ge lóna-dúv sɪsɪ : tóo, bulé né, Alíya, ɪsɪ ún, móógónu mana nya dǎ né, asée ngágbíri ge ngónu dǐkpé yoo....., nge Alíya sɪsɪ : aayí, ɪmú ɪgereŋe, abaalú ɪbo ɪcóc asu na ɪmú ɪkpíri. Nge abaalú waalú ɪjooó wɔnɔó-daá. Budásɪ né, ɪlé sɪsɪ : Alíya kalu! Alíya sɪsɪ : óo, mánqúv laáli naaní. Alíya kalu! Sɪsɪ : móózó né mádásaari ta núm. Alíya kalu! Sɪsɪ : móózó né, mánlám pánkééti, mégégereŋe. Alíya kalu! Sɪsɪ : leleedǎ né, mánqúv círo! Yáá mókónnyóózi mádi, ba nlá ma dǎfée, bika téédi-daá ábónisi silé sínbá sikálu, silára sumulná lóna-dúv, bíbá bujooó níni bulé né, belé banyɪ sɪsɪ : ɪlé wándasí umá yéndi ɪdu lóna. Nge ɪlé sɪsɪ : aayí, ɪmú ɪdǎelú dǐdáare ge ɪmú ɪzírɛ seemáana. Budásɪ ɪŋunáa dǎ né ge wúro weedíri bóbóózi yɪ sɪsɪ : biyáási ge waabá wánjáadi yɪ, ɪgéé igoobú yáá ɪgéé ɪdéé wé, nge sɪsɪ : aayí, meǎelú ge. Nge wúro waagágúrú sɪsɪ : bulé ge? Lóna-dúv sɪsɪ : ún. Nge wúro sɪsɪ : óoo, tóo, tífe waazúv móó médéé cénje né, búfunmóona wánlí. Nge ɪlé sɪsɪ : aayí, a waabá ɪkálu ge mána yɪ dǎána dǎma ge dǎála faawú, a cénje ge bumóo yɪ, máábá moyuú madlí sɪsɪ : ce ge ɪwe, kama móógógbóo yɪ né, ɪgɔo na ɪjaa bángajaari ma. Leleedǎ né, mádátíli lénlé waabaná né, a baagu yɪ ní, dɔo dǎ máábá mógónu madlí sɪsɪ : nyédée cé ge ɪwe né, ndántá a méégbé méngeveerím mamudunáa sɪsɪ : aayí, meǎelú waagurú ma né, ɪmáani ge waazáa yoo..... Nna né bujooó felílanɪ, nge wúro sɪsɪ : aa, bulé ge bujooó, a bulé né, Alíya kalu, waagálu né, nge lóna-dúv weegéézi jɔlɔ ɪlé ɪlɔ ɪŋunáa dǎ né, kizáwu nbulé Alíya-ro nyamm. Tóo, biduná ge kizáwu waaján biya busuná téédi.